



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

**პროგრამის სტრუქტურა და შინაარსი**

<p><b>პროგრამის სახელწოდება</b> (ქართულად და ინგლისურად)</p>	<p><b>კონფლიქტოლოგია</b> Conflictology</p>
<p><b>მისანიჭებელი კვალიფიკაცია</b> (ქართულად და ინგლისურად)</p>	<p><b>კონფლიქტოლოგიის დოქტორი</b> Doctor of Conflictology</p>
<p><b>პროგრამის მოცულობა კრედიტებით და მათი განაწილება</b></p>	<p><b>დოქტორანტურის საგანმანათლებლო პროგრამა შედგება სასწავლო და კვლევითი კომპონენტებისგან.</b></p> <p><b>სასწავლო კომპონენტი (30 კრედიტი, ECTS) მოიცავს შემდეგ აქტივობებს:</b></p> <p>სავალდებულო სასწავლო კომპონენტები - 25 კრედიტი</p> <ul style="list-style-type: none"> <li>✓ კვლევის მეთოდოლოგია სოციალურ მეცნიერებებში - ემპირიული კვლევის მეთოდები- 5 კრედიტი</li> <li>✓ დარგობრივი სემინარი - 15 კრედიტი</li> <li>✓ პროფესორის ასისტენტობა - 5 კრედიტი</li> </ul> <p>არჩევითი სასწავლო კომპონენტები: 5 კრედიტი</p> <ul style="list-style-type: none"> <li>✓ კონფლიქტოლოგია - 5 კრედიტი</li> <li>✓ სოციალურ მეცნიერებათა კვლევის მეთოდების გაღრმავებული კურსი - 5 კრედიტი</li> <li>✓ სხვა არჩევითი სასწავლო კურსი - საქართველოს ან საზღვარგარეთის აკრედიტებულ უმაღლეს სასწავლებლებში მოსმენილი შესაბამისი საფეხურის (დოქტორანტურის) სასწავლო კურსი - 5 კრედიტი</li> </ul> <p><b>კვლევითი კომპონენტი მოიცავს:</b></p> <ul style="list-style-type: none"> <li>✓ სამეცნიერო კვლევითი პროექტი 1</li> <li>✓ სამეცნიერო კვლევითი პროექტი 2</li> <li>✓ სამეცნიერო კვლევითი პროექტი 3</li> <li>✓ სადისერტაციო ნაშრომის მომზადება და დაცვა.</li> </ul> <p>სამეცნიერო კვლევითი პროექტი 1, 2 და 3 მხოლოდ განმავითარებელ შეფასებას მოიცავს და წარმოადგენს დაცვის წინაპირობას, ხოლო სადისერტაციო ნაშრომის დაცვისას გამოიყენება განმსაზღვრელი შეფასება.</p> <p><i>დოქტორანტურის საგანმანათლებლო პროგრამაზე სწავლება მინიმუმ ექვსი სემესტრია (3 წელი).</i></p>
<p><b>სწავლების ენა</b></p>	<p>ქართული</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

<p><b>პროგრამის ხელმძღვანელი/ /კოორდინატორი</b></p>	<p><b>გუგული მალრაძე</b>, ფსიქოლოგიის მეცნიერებათა დოქტორი, პროფესორი, ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტი; ინტერდისციპლინური მიმართულება</p> <p><b>რევაზ ჯორბენაძე</b>, ფსიქოლოგიის მეცნიერებათა დოქტორი, პროფესორი, ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტი; ინტერდისციპლინური მიმართულება.</p>
<p><b>პროგრამაზე დაშვების წინაპირობა</b></p>	<ul style="list-style-type: none"> <li>➤ მაგისტრის ან მასთან გათანაბრებული აკადემიური ხარისხის ფლობა „კონფლიქტოლოგიაში“ ან სხვა სპეციალობაში</li> <li>➤ უცხოური ენის (ინგლისური ენა) ცოდნა მინიმუმ B2 დონეზე (დადასტურება გამოცდით ან შესაბამისი სერტიფიკატით);</li> <li>➤ სავარაუდო სამეცნიერო ხელმძღვანელისა და პროგრამის ხელმძღვანელის თანხმობა;</li> <li>➤ სადოქტორო - კვლევითი პროექტის გეგმის (პროსპექტუსის) წარმოდგენა;</li> <li>➤ ზეპირი გასაუბრება სპეციალობაში (მათ შორის სადოქტორო კვლევითი პროექტზე - პროსპექტუსზე).</li> </ul> <p>გასაუბრება სპეციალობაში არის 100 ქულიანი და წარმოადგენს აპლიკანტის საბოლოო შეფასების 100 %-ს; საიდანაც 40 % არის პროსპექტუსის შეწონილობა, ხოლო 60 % კი - კონკრეტულად გასაუბრების, საიდანაც ვლინდება თუ რა ცოდნისა და უნარების მატარებელია აპლიკანტი.</p>
<p><b>საგანმანათლებლო პროგრამის მიზანი</b></p>	<p><b>დოქტორანტურის საგანმანათლებლო პროგრამის, კონფლიქტოლოგიის მიზანია:</b></p> <ul style="list-style-type: none"> <li>➤ დარგის უახლეს მიღწევებზე დამყარებული ცოდნისა და მაღალი დარგობრივი კომპენტეციების მქონე სპეციალისტების, მკვლევარების მომზადება, რომელთაც შეუძლიათ - ახალი ცოდნის შექმნის მიზნით და ინოვაციური მიდგომების გამოყენებით - დაგეგმონ და განახორციელონ კვლევითი სამუშაოები (კონფლიქტოლოგიის დარგის თანამედროვე თეორიული ცოდნისა და კვლევითი სიახლეების ინტეგრირებით);</li> <li>➤ მოამზადოს მკვლევარი/პრაქტიკოსები, რომლებსაც შეუძლიათ თავიანთი ცოდნის გამოყენება, ახალი ცოდნის შექმნა და გავრცელება - ინტერპერსონალური, ინტერჯგუფური, ოჯახური, საგანმანათლებლო სისტემის, ეთნიკური, რელიგიური, პოლიტიკური, სამხედრო (სტრატეგიული და უსაფრთხოების, ტერორიზმთან</li> </ul>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>ბრძოლის, თავდაცვითი პოლიტიკის), ბიზნეს თუ სახელმწიფოთაშორის კონფლიქტებისას;</p> <ul style="list-style-type: none"> <li>➤ ხელი შეუწყოს დოქტორანტებს წარმართონ სამეცნიერო - კვლევითი სამუშაოები - დარგისა (კონფლიქტების მოგვარების და პრევენციის, მშვიდობის მშენებლობის და შენარჩუნების და სხვ.) და მის მომიჯნავე სფეროებში - მაღალკვალიფიციურ დონეზე და შეიმუშაონ შესაბამისი რეკომენდაციები;</li> <li>➤ მოამზადოს დოქტორანტები სამეცნიერო-პედაგოგიური მუშაობისთვის, რათა მათ შეძლონ ერთი მხრივ, დარგის მომავალი სპეციალისტების მომზადება, ხოლო მეორე მხრივ, წვლილი შეიტანონ დარგისა და სოციუმის განვითარებაში პრაქტიკული საქმიანობით;</li> <li>➤ დოქტორანტებმა და შემდგომში უკვე კონფლიქტოლოგიის დოქტორებმა, წვლილი შეიტანონ სხვადასხვა სახის/ტიპის თანამედროვე კონფლიქტების გადაჭრის პროცესში და ხელი შეუწყონ დარგის განვითარებას.</li> </ul>
<p><b>სწავლის შედეგები</b></p>	<p><b>პროგრამის დასრულების შემდეგ, კურსდამთავრებული:</b></p>
<p>ა) ცოდნა და გაცნობიერება</p> <p>ბ) უნარები</p> <p>გ) პასუხისმგებლობა და ავტონომიურობა</p>	<ol style="list-style-type: none"> <li>1. კრიტიკულად აფასებს, კომპლექსურად განაზოგადებს კონფლიქტების სფეროში არსებულ უახლეს თეორიებს და მიდგომებს ინტერდისციპლინური რაკურსით;</li> <li>2. სისტემურად აანალიზებს კონფლიქტების მართვის სფეროში უახლეს მიღწევებზე დამყარებულ კონცეფციებს და პარადიგმებს, მსოფლიოში მიმდინარე კონფლიქტებსა და მათ გამომწვევ მიზეზებს;</li> <li>3. ცოდნაზე დაფუძნებული ახალი იდეების შეჯამებით, კონფლიქტური სიტუაციის დიაგნოსტიკით, განსაზღვრავს პრობლემას და დასაბუთებული დასკვნების საფუძველზე ეძიებს პრობლემური სიტუაციის ახლებურად გადაჭრის გზებს;</li> <li>4. დამოუკიდებლად, ავტონომიურობის მაღალი ხარისხით, გეგმავს, წარმართავს და უძღვება დარგთან დაკავშირებულ ინოვაციურ, მეცნიერულ და პრაქტიკაზე ფოკუსირებულ კვლევით საქმიანობას; თანამედროვე საკომუნიკაციო საშუალებებით მოიძიებს და სხვადასხვა რაკურსით გამოიყენებს კონფლიქტთან დაკავშირებულ ინფორმაციას;</li> <li>5. შეიმუშავებს ახალი ცოდნის შექმნაზე ორიენტირებულ, თანამედროვე კვლევით და ანალიტიკურ მეთოდებზე დაყრდნობით ახლებურ მიდგომებს; ავითარებს ახალ იდეებს კონფლიქტოლოგიის დარგში სწავლა-სწავლების, შემდგომი კვლევებისა და პროფესიული საქმიანობის გაღრმავების მიზნით; შეიმუშავებს დარგისთვის შესაბამის</li> </ol>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>რეკომენდაციებს;</p> <p>6. აკადემიური/პროფესიული საქმიანობისას წარმოადგენს დარგის ორიგინალურ მეთოდებს, მიდგომებს, კონცეფციებს და საკუთარი წვლილი შეაქვს მის განვითარებაში;</p> <p>7. დარგთან მიმართებით, დასაბუთებული და არგუმენტირებული დასკვნების საფუძველზე, ამზადებს წერილობით და ზეპირ ანგარიშებს, რომელთაც პრეზენტაციის სახით წარუდგენს აკადემიურ და ფართო საზოგადოებას. ერთვება დებატებსა და დისკუსიებში და იცავს საკუთარ პოზიციას აკადემიური და პროფესიული ეთიკის კეთილსინდისიერების პრინციპების დაცვით;</p> <p>8. მონაწილეობას იღებს კულტურათა დიალოგის პროცესში და აღიარებს კულტურათა მრავალფეროვნებას; იცავს, აფასებს და პატივს სცემს სხვათა პროფესიულ ღირებულებით ორიენტაციებს.</p>
<p><b>სწავლება-სწავლის მეთოდები</b></p>	<p><b>სწავლის შედეგების მიღწევის მეთოდები:</b></p> <p>ლექცია; სემინარი; ჯგუფური მუშაობა; ვერბალური და წერითი მუშაობის მეთოდი; პრეზენტაცია; როლური თამაშები; სიტუაციური ანალიზი; დემონსტრირების მეთოდი; ახსნა-განმარტების მეთოდი; დისკუსია/დებატები; წიგნზე მუშაობა; შემთხვევის ანალიზი (Case study); გონებრივი იერიში (Brain storming); პრაქტიკა და გამოცდილებითი სწავლა-სწავლების მეთოდი; ელექტრონული სწავლება (E-learning)<sup>1</sup>.</p> <p>პროგრამის განმახორციელებელი აკადემიური და მოწვეული პერსონალი შესაძლოა იყენებდეს რამდენიმე ან ნებისმიერ სხვა აქტივობებს მათი კონკრეტული სასწავლო ამოცანიდან გამომდინარე.</p>
<p><b>შეფასების სისტემა</b></p>	<p>სტუდენტის სემესტრის განმავლობაში გაწეული შრომის შეფასება ითვალისწინებს:</p> <p>ა) მისი დამოუკიდებელი მუშაობის შეფასებას;</p> <p>ბ) შუა სემესტრულ რეიტინგულ შეფასებას;</p> <p>გ) სემესტრის დასკვნით შეფასებას.</p>

1

☞ სინქრონული და/ან ასინქრონული;

☞ შესაფერისი ტექნოლოგიური ინსტრუმენტების შერჩევა კურსის მასალის გადასაცემად (მაგ: POWER POINT ლექციები, ვიდეო კონფერენცია და სხვ.);

☞ კურსის პროფილის შესაბამისობა (მაგ: სტრუქტურა, ინტერფეისი, ნავიგაცია, ონლაინ აქტივობების ინსტრუქცია);

☞ ელექტრონული სწავლება - <https://bit.ly/3z1JWTG>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

შეფასების თითოეულ ფორმასა და კომპონენტს შეფასების საერთო ქულიდან (100 ქულა) განესაზღვრება ხვედრითი წილი საბოლოო შეფასებაში.

დაუშვებელია კრედიტის მინიჭება შეფასების მხოლოდ ერთი ფორმის (შუალედური ან დასკვნითი შეფასება) გამოყენებით.

**შეფასების სისტემა უშვებს:**

ა) ხუთი სახის დადებით შეფასებას:

- (A) ფრიადი – შეფასების 91-100 ქულა;
- (B) ძალიან კარგი – მაქსიმალური შეფასების 81-90 ქულა;
- (C) კარგი – მაქსიმალური შეფასების 71-80 ქულა;
- (D) დამაკმაყოფილებელი – მაქსიმალური შეფასების 61-70 ქულა;
- (E) საკმარისი – მაქსიმალური შეფასების 51-60 ქულა.

ბ) ორი სახის უარყოფით შეფასებას:

- (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

საგანმანათლებლო პროგრამის კომპონენტში, FX-ის მიღების შემთხვევაში, დამატებითი გამოცდა დაინიშნება დასკვნითი გამოცდის შედეგების გამოცხადებიდან არანაკლებ 5 დღეში. სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა.

დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის კომპონენტის საბოლოო შეფასებაში.

დამატებით გამოცდაზე მიღებული შეფასების გათვალისწინებით საგანმანათლებლო კომპონენტის საბოლოო შეფასებაში 0-50 ქულის მიღების შემთხვევაში, სტუდენტს უფორმდება შეფასება F-0 ქულა.

შეფასების კრიტერიუმები წარმოადგენს შეფასების მეთოდის საზომ ერთეულს, რითაც დგინდება სწავლის შედეგების მიღწევის დონე საგანმანათლებლო პროგრამის თითოეული კომპონენტებისთვის.





სსიპ - ივანე ჯავახიშვილის სახელობის თბილისის სახელმწიფო უნივერსიტეტი

დასკვნით გამოცდაზე გასვლის წინაპირობა განისაზღვრება შესაბამისი სასწავლო კურსების სილაბუსებში, ხოლო დასკვნითი გამოცდა ითვლება ჩაბარებულად, თუ სტუდენტმა გამოცდაზე მიიღო მაქსიმალური ქულის 50% (დამატებითი პირობები განისაზღვრება შესაბამისი სასწავლო კურსის სილაბუსის მიხედვით).

**სადისერტაციო ნაშრომის, დისერტაციის შეფასება**

სადისერტაციო ნაშრომის დაცვის კომისიის წევრების მიერ დისერტაციის შეფასება ხდება კონფიდენციალურად, ასქულიანი სისტემით.

დისერტაციის საბოლოო შეფასებისათვის სადისერტაციო ნაშრომის დაცვის კომისიას გამოყავს ქულათა საშუალო არითმეტიკული, რომელსაც შეუფარდებს შეფასებას შემდეგი სისტემის მიხედვით:

- ა) "summa cum laude" - "ფრიადი" – შესანიშნავი ნაშრომი – შეფასების 91-100 ქულა;
- ბ) "magna cum laude" - "მალიან კარგი" – შედეგი, რომელიც წაყენებულ მოთხოვნებს ყოველმხრივ აღემატება, შეფასების 81– 90 ქულა;
- გ) "cum laude" - "კარგი" – შედეგი, რომელიც წაყენებულ მოთხოვნებს აღემატება, შეფასების 71– 80 ქულა;
- დ) "bene" - "საშუალო" – საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს, შეფასების 61–70 ქულა;
- ე)<sup>2</sup> "rite" - "დამაკმაყოფილებელი" – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს, შეფასების 51– 60 ქულა;
- ვ)<sup>3</sup> "insufficienter" - "არადამაკმაყოფილებელი" – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს მასში არსებული მნიშვნელოვანი ხარვეზების გამო; შეფასების 41–50 ქულა;
- ზ)<sup>4</sup> "sub omni canone" - "სრულიად არადამაკმაყოფილებელი" – შედეგი, რომელიც წაყენებულ

<sup>2</sup> „ა“-„ე“ ქვეპუნქტებით გათვალისწინებული შეფასების მიღების შემთხვევაში დოქტორანტს ენიჭება დოქტორის აკადემიური ხარისხი;

<sup>3</sup> მე-2 პუნქტის „ვ“ ქვეპუნქტით გათვალისწინებული შეფასების მიღების შემთხვევაში დოქტორანტს უფლება ეძლევა ერთი წლის განმავლობაში წარადგინოს გადამუშავებული სადისერტაციო ნაშრომი;

<sup>4</sup> „ზ“ ქვეპუნქტით გათვალისწინებული შეფასების მიღების შემთხვევაში დოქტორანტი კარგავს იგივე სადისერტაციო ნაშრომის წარდგენის უფლებას.



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>მოთხოვნებს სრულიად ვერ აკმაყოფილებს, შეფასების 40 ქულა და ნაკლები.</p> <p>სადისერტაციო ნაშრომის დაცვის პროცესი საჯარო აკადემიური და უნივერსიტეტის გარე აუდიტორიისათვის.</p>
<p><b>დასაქმების სფეროები</b></p>	<p>დოქტორანტურის საგანმანათლებლო პროგრამის კურსდამთავრებულების, როგორც კონფლიქტოლოგიის დოქტორების, დასაქმების სფერო ფართოა:</p> <ul style="list-style-type: none"> <li>➤ უპირველესად პროგრამა ამზადებს სამეცნიერო მკვლევრებს და სწავლების უმაღლესი განათლების საფეხურის პედაგოგებს თავისი კომპეტენციის ფარგლებში;</li> <li>➤ როგორც საქართველოში, ისე მსოფლიოს სხვა ქვეყნებში სამთავრობო, არასამთავრობო და კერძო ინსტიტუციები; ადგილობრივი თემი; სასწავლო დაწესებულებები და სხვ.</li> <li>➤ კვლევით ცენტრებში დარგის კომპეტენციის ფარგლებში (მაგ.: დანაშაულის პრევენციის ცენტრი; ICCN კონფლიქტებისა და მოლაპარაკებების საერთაშორისო კვლევითი ცენტრი; გეოპოლიტიკური კვლევების საერთაშორისო ცენტრი - ICGS და სხვ.)</li> <li>➤ სხვადასხვა ინსტიტუტებში (მაგ.: თსუ-ს კონფლიქტოლოგიის ინსტიტუტი; კონფლიქტების მართვის ინსტიტუტი - ICM Georgia და სხვ.);</li> <li>➤ ადგილობრივი და საერთაშორისო უსაფრთხოების სამსახურები;</li> <li>➤ ქვეყნის საგარეო და თავდაცვითი პოლიტიკის სფერო.</li> </ul>
<p><b>სწავლის საფასური საქართველოს მოქალაქე და უცხო ქვეყნის მოქალაქე სტუდენტებისათვის</b></p>	<p>დოქტორანტურის საფეხურის სწავლის წლიური საფასური საქართველოს მოქალაქე სტუდენტისთვის შეადგენს 1000 ლარს.</p> <p>სწავლის საფასური უცხო ქვეყნის მოქალაქეებისათვის განისაზღვრება საქართველოში მოქმედი კანონმდებლობით, საქართველოს ხელისუფლების მიერ დადებული და რატიფიცირებული შეთანხმებების მიხედვით.</p>
<p><b>პროგრამის განხორციელებისათვის საჭირო ადამიანური და მატერიალური რესურსი</b></p>	<p>დოქტორანტურის საგანმანათლებლო პროგრამა „კონფლიქტოლოგია“ ხორციელდება თსუ-ს სოციალურ და პოლიტიკურ მეცნიერებათა ფაკულტეტის ფარგლებში, მაღალი კვალიფიკაციის მქონე პროფესორ-მასწავლებლებით, ადამინისტრაციული და დამხმარე პერსონალით.</p> <p>აკადემიური და მოწვეული პერსონალის შერჩევა ხორციელდება საქართველოს კანონმდებლობისა და უნივერსიტეტის მიერ დადგენილი მოთხოვნების სრული დაცვით.</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

პროგრამის განმახორციელებელი პერსონალის აკადემიური მიღწევები და სამეცნიერო საქმიანობა საჯარო ინფორმაციაა და ხელმისაწვდომია უნივერსიტეტის და ფაკულტეტის ვებ-გვერდზე <https://www.tsu.ge/> - <https://bit.ly/3rY7YxG>

ინტერდისციპლინური მიმართულებიდან პროგრამის განმახორციელებელი ძირითადი აკადემიური პერსონალია:

1. გუგული მაღრაძე, პროფესორი
2. რევაზ ჯორბენაძე, პროფესორი
3. ზურაბ აბაშიძე, ასოცირებული პროფესორი
4. თეონა მატარაძე, ასოცირებული პროფესორი
5. ვახტანგ მასიაია, მოწვეული პროფესორი

**პროგრამის მატერიალურ-ტექნიკურ მუშაობას უზრუნველყოფს:**

- კონფლიქტოლოგიის საგანმანათლებლო პროგრამების 235-ე სამუშაო ოთახი/აუდიტორია (თსუ II კორპუსი), რომელშიც ტარდება სალექციო კურსები და მეცადინეობები სტუდენტებთან და სადაც ასევე განთავსებულია კონფლიქტოლოგიის საგანმანათლებლო პროგრამების ტექნიკური აღჭურვილობა, კომპიუტერები, დარგობრივი ბიბლიოთეკა (ქართულ და უცხოურ ენებზე);
- კონფლიქტოლოგიის საგანმანათლებლო პროგრამების 234-ე აუდიტორია (თსუ II კორპუსი), რომელიც დატვირთულია სასწავლო ცხრილით;
- თსუ-ს კომპიუტერული ბაზები;
- თსუ-ს და ფაკულტეტის რესურს-ცენტრები;
- სოციალურ და პოლიტიკურ მეცნიერებათა ფაკულტეტის ბიბლიოთეკა (თსუ-ს III კორპუსი);
- სსიპ-ივანე ჯავახიშვილის სახელობის თბილისის სახელმწიფო უნივერსიტეტის ბიბლიოთეკები (ცენტრალური საუნივერსიტეტო ბიბლიოთეკა, რომელიც მდებარეობს უნივერსიტეტის ქუჩა №11-ში; შოთა რუსთაველის სახელობის სამკითხველო დარბაზი რომელიც მდებარეობს ი. ჭავჭავაძის გამზირი №1-ში, I კორპუსი); <https://www.tsu.ge/ka/library>
- თსუ-ს ელექტრონული სწავლების პორტალები; <https://e-learning.tsu.ge/>
- თსუ-ს სტუდენტებს და პროფესორ-მასწავლებლებს წვდომა აქვთ როგორც ფასიან, ასევე უფასო ელექტრონულ ჟურნალებსა და ბაზებზე: [EBSCO Publishing](#), [JSTOR](#), [Scopus](#) (ელსევიერის ბაზა), [Sciencedirect](#) (ელსევიერის ბაზა), [Web of Science \(WoS\)](#), [Cambridge University Journals](#) (კემბრიჯის უნივერსიტეტის ჟურნალები), [SAGE Knowledge](#)





სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>--- <a href="#">Springer Link.</a>, <a href="#">Erudit</a>, <a href="#">Oxford English Dictionary Online</a>, <a href="#">World Digital Library</a>, <a href="#">Palgrave Connect</a> და ა.შ. იხ.: <a href="https://www.tsu.ge/ka/library/page/894">https://www.tsu.ge/ka/library/page/894</a></p> <ul style="list-style-type: none"> <li>• სოციალურ და პოლიტიკურ მეცნიერებათა ფაკულტეტის შესაბამისი ინვენტარით აღჭურვილი მატერიალურ-ტექნიკური ბაზა;</li> <li>• ეროვნული სამეცნიერო ბიბლიოთეკა (მ.ალექსიძის II შესახვევი, №3) და სხვ.</li> </ul> <p>პროგრამის ფარგლებში სასწავლო პროცესი მიმდინარეობს თსუ I, II და VI კორპუსებში, რომლებიც განთავსებულია თბილისში, ილია ჭავჭავაძის გამზირზე № 1, №3 და № 8 ნომრებში.</p>
<p><b>პროგრამის ფინანსური უზრუნველყოფა</b></p>	<p>პროგრამის ფინანსურ მდგრადობას უზრუნველყოფს ივანე ჯავახიშვილის სახელობის თბილისის სახელმწიფო უნივერსიტეტი და გაწერილია სოციალურ და პოლიტიკურ მეცნიერებათა ფაკულტეტის ბიუჯეტში<sup>5</sup>.</p>
<p><b>დოქტორანტის დისერტაციის დაცვაზე დაშვების წინაპირობა</b></p>	<ul style="list-style-type: none"> <li>• სასწავლო კომპონენტის სრულად შესრულება (30 კრედიტი);</li> <li>• სამი სამეცნიერო კვლევითი პროექტის წარდგენა დარგობრივი კომისიის წინაშე;</li> <li>• საერთაშორისო სამეცნიერო პუბლიკაციის გამოქვეყნების ვალდებულება (თსუ-ს დოქტორანტურის მინიმალური სტანდარტის გათვალისწინებით, დოქტორანტს აქვს საერთაშორისო სამეცნიერო პუბლიკაციის გამოქვეყნების ვალდებულება. სახელდობრ, დისერტაციის დაცვის აუცილებელი წინაპირობაა სადისერტაციო თემასთან დაკავშირებული შემდეგი სახის ორი სამეცნიერო პუბლიკაციის გამოქვეყნება - რეფერირებადი (Peer-reviewed) სამეცნიერო სტატიები ისეთ მაღალრეიტინგულ საერთაშორისო ჟურნალებში (ან საკონფერენციო მასალებში), რომლებსაც აქვთ ISSN კოდი და ჰყავთ საერთაშორისო სარედაქციო საბჭო (ან სამეცნიერო კომიტეტი) და რომლებიც ვრცელდება საერთაშორისო მასშტაბით და არის ღია საერთაშორისო თანამშრომლობისთვის. ამავდროულად, ამ ორი პუბლიკაციიდან ერთი მაინც უნდა იყოს ისეთ საერთაშორისო ჟურნალში (ან საკონფერენციო</li> </ul>

<sup>5</sup> პროგრამული ბიუჯეტი ასევე მომზადდა დოქტორანტურის საგანმანათლებლო პროგრამის კონფლიქტოლოგიისთვის, რომელიც თანდართულია სააკრედიტაციო პაკეტზე.



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>მასალებში), რომელიც ინდექსირებულია Scopus-ის ან Web of Science-ის ბაზებში).</p>
<p><b>აკადემიური კეთილსინდისიერება</b></p>	<p>აკადემიურ კეთილსინდისიერებას ძალიან დიდი ყურადღება ექცევა აღნიშნული პროგრამის ფარგლებში.</p> <p>სტუდენტმა:</p> <ul style="list-style-type: none"> <li>• უნდა წარმოადგინოს დამოუკიდებლად მომზადებული ნაშრომი, რომელშიც აკადემიური სტილის დაცვით მითითებული იქნება, თუ ვის ეკუთვნის ესა თუ ის იდეა და/ან სიტყვები;</li> <li>• არ უნდა მოახდინოს მონაცემთა ან სხვა ინფორმაციის გაყალბება და არ უნდა გადაიწეროს ნაშრომი.</li> </ul> <p>იმ შემთხვევაში თუ რომელიმე ზემოთხსენებულ ქმედებას ექნება ადგილი, სტუდენტს დაეკისრება ეთიკის კოდექსით განსაზღვრული დისციპლინური პასუხისმგებლობა აკადემიური კეთილსინდისიერების პრინციპების დარღვევის გამო, რომლებიც ჭეშმარიტი აკადემიური განათლების განუყოფელი ნაწილი და უნივერსიტეტის ფუნდამენტური ღირებულებაა. სანქცია შეიძლება იყოს როგორც ნაშრომის ხელახლა მომზადება, ასევე სასწავლო კურსში არადაამაკმაყოფილებელი ქულის მიღება.</p> <p>სადოქტორო ნაშრომი მოწმდება პლაგიატზე ელექტრონული პროგრამა „Turnitin“-ის (<a href="https://www.turnitin.com/">https://www.turnitin.com/</a>) გამოყენებით. ამ მიზნით სადოქტორო ნაშრომის წინასწარ დაცვამდე, დოქტორანტი დასრულებული ნაშრომის ელექტრონულ ვერსიას, პლაგიატზე შესამოწმებლად, ატვირთავს სპეციალურ ბმულზე, რომელიც მიბმულია თბილისის სახელმწიფო უნივერსიტეტის ელექტრონული სწავლების პორტალზე <a href="http://e-learning.tsu.ge/">http://e-learning.tsu.ge/</a>.</p>
<p><b>დამატებითი ინფორმაცია</b> (საჭიროების შემთხვევაში)</p>	<p>ადამიანური და მატერიალური რესურსებიდან გამომდინარე, დოქტორანტურის საგანმანათლებლო პროგრამას ყოველწლიურად შეუძლია მიიღოს არაუმეტეს 10 სტუდენტისა.</p> <p><b>დაცვის კომისია:</b> სადისერტაციო ნაშრომის დაცვის მიზნით, საუნივერსიტეტო სადისერტაციო საბჭო, ფაკულტეტის საბჭოს წარდგინებით, ამტკიცებს სადისერტაციო ნაშრომის დაცვის კომისიას. სადისერტაციო ნაშრომის დაცვის კომისიაში შედიან შესაბამისი დარგის/სპეციალობის პროფესორები და ასოცირებული პროფესორები; ასევე, არანაკლებ 1 წევრი უნდა იყოს შესაბამისი დარგის/სპეციალობის მქონე პირი საქართველოდან ან/და უცხოეთიდან, რომელსაც უნივერსიტეტში არ უჭირავს აკადემიური თანამდებობა. სადისერტაციო ნაშრომის დაცვის კომისია უნდა შედგებოდეს მინიმუმ შვიდი წევრისგან. დისერტაციის სამეცნიერო ხელმძღვანელი და თემის</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

რეცენზენტები არ შეიძლება იყვნენ სადისერტაციო ნაშრომის დაცვის კომისიის წევრები. სადისერტაციო ნაშრომის დაცვის კომისიის წევრები ვალდებული არიან იცნობდნენ სადისერტაციო ნაშრომს, შემფასებელთა მიერ წარმოდგენილ დასკვნებს და შემოსულ გამოხმაურებებს. სადისერტაციო ნაშრომის დაცვის კომისიის სხდომა უფლებამოსილია, თუ მის მუშაობაში მონაწილეობს კომისიის შემადგენლობის ნახევარზე

**რეცენზენტები:** ფაკულტეტის დეკანი ფაკულტეტის საბჭოს მიერ გამოყოფილ სადისერტაციო ნაშრომის შემფასებლებს/რეცენზენტებს დასამტკიცებლად წარუდგენს საუნივერსიტეტო სადისერტაციო საბჭოს. სადისერტაციო ნაშრომის რეცენზენტად ინიშნება დოქტორის აკადემიური ხარისხის მქონე, შესაბამისი დარგობრივი კვალიფიკაციის პირი, რომელსაც სადისერტაციო ნაშრომის საკვლევ სფეროში აქვს პუბლიკაციები. სადისერტაციო ნაშრომს აფასებს სამი რეცენზენტი, მათგან ერთი – უცხოელი. რეცენზენტი ვალდებულია, შესაბამისი ფაკულტეტის მიერ დისერტაციის გადაცემიდან არაუგვიანეს 60 კალენდარული დღის ვადაში გაეცნოს სადისერტაციო ნაშრომს და წარუდგინოს რეცენზია ფაკულტეტს. შემფასებელთა მიერ წარმოდგენილი რეცენზიები ბეჭდური და ელექტრონული ფორმით გადაეცემა სადისერტაციო ნაშრომის დაცვის კომისიას. უცხოელი შემფასებლის რეცენზია უნდა იყოს თარგმნილი და დამოწმებული. თუ ორი რეცენზენტი უარყოფითად შეაფასებს დისერტაციას, ფაკულტეტის საბჭოს გადაწყვეტილებით, დოქტორანტი დაცვაზე დაშვებული არ იქნება.

დოქტორანტურის საგანმანათლებლო პროგრამა „კონფლიქტოლოგია“ შემუშავებულია აშშ ჯორჯ მესონის უნივერსიტეტის კონფლიქტის ანალიზის და გადაჭრის ინსტიტუტსა და აშშ დენვერის უნივერსიტეტის კონფლიქტოლოგიის ცენტრთან თანამშრომლობის და კონსულტაციების საფუძველზე, შესაბამისად, ამავე ინსტიტუტების პროფესორები ჩართულები იქნებიან სადოქტორო დისერტაციების რეცენზირებაში.



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

### სასწავლო გეგმა

**ფაკულტეტი:** სოციალურ და პოლიტიკულ მეცნიერებათა

**მიმართულება:** ინტერდისციპლინური

**საგანმანათლებლო პროგრამის სახელწოდება:** კონფლიქტოლოგია

**სწავლების საფეხური:** დოქტორანტურა

**კრედიტების რაოდენობა:** 30 ECTS

**საგანმანათლებლო პროგრამის ხელმძღვანელები:** პროფესორი გუგული მალრაძე;

პროფესორი რევაზ ჯორბენაძე

აკადემიური საბჭოს მიერ სასწავლო პროგრამის დამტკიცების თარიღი, დადგენილების ნომერი: 20/03/2023; №24/2023 (დანართი № 257)

პროგრამის აკრედიტაცია (გადაწყვეტილების ნომერი, ვადა და ბმული): № 54355; 29/12/2023 – 29/12/2030

სასწავლო პროგრამის ამოქმედების თარიღი (სასწავლო წელი): 2023-2024 სასწავლო წლის გაზაფხულის სემესტრი

პროგრამაში განხორციელებული ცვლილებები (თსუ-ს აკადემიური საბჭოს დადგენილების<sup>6</sup> ნომერი და თარიღი): --

---

<sup>6</sup> <https://www.tsu.ge/ka/legalakad>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

პროგრამის სტრუქტურა

სადოქტორო პროგრამის სასწავლო კომპონენტი მოიცავს 30 კრედიტს (ECTS):													
სავალდებულო სასწავლო კურსები - 25 კრედიტი (ECTS)													
N	კოდი	სასწავლო კურსის სახელწოდება	ECTS	სტუდენტის საათობრივი დატვირთვა						სასწავლო კურსზე დაშვების წინაპირობა	სწავლების სემესტრი		ლექტორი/ ლექტორები
				საკონტაქტო			გამოცდის დრო	დამოუკიდებელი მუშაობა	სულ		შემოდგომის	გაზაფხულის	
				ლექცია	სემინარი/ პრაქტიკები								
1		კვლევის მეთოდოლოგია სოციალურ მეცნიერებებში - ემპირიული კვლევის მეთოდები <sup>7</sup>	5	30	--	15	4	76	125	წინაპირობის გარეშე	✓	✓	იაგო კაჭკაჭიშვილი ნინო დურგლიშვილი ლია წულაძე დავით სიჭინავა დავით სვანაძე ხათუნა მაისაშვილი თეონა მატარაძე რევაზ ჯორბენაძე ალექსანდრე კუხიანიძე კორნელი კაკაჩია

<sup>7</sup> ამ კურსის გასავლელად მნიშვნელოვანია დოქტორანტს ჰქონდეს ცოდნა, რომელიც შეესაბამება მაგისტრატურის საგანმანათლებლო პროგრამაში შემოთავაზებულ სასწავლო კურსში „კვლევის მეთოდები“ გაწერილ კომპენტენციებს . თუ მას შესაბამისი კომპენტენცია არ გააჩნია, მაშინ ის შესაბამისი პროგრამის მაგისტრატურის საფეხურზე გადის ზემოხსენებულ კურსს და შემდეგ ირჩევს სასწავლო კურსს სადოქტორო საგანმანათლებლო პროგრამაში.





სსიპ - ივანე ჯავახიშვილის სახელობის თბილისის სახელმწიფო უნივერსიტეტი

2	დარგობრივი სემინარი	15	--	--	--	--	375	375	წინაპირობის გარეშე	✓	✓	სადოქტორო პროგრამის ხელმძღვანელი; დოქტორანტის სამეცნიერო ხელმძღვანელი
3	პროფესორის ასისტენტობა	5	--	--	--	--	--	125	წინაპირობის გარეშე	✓	✓	დოქტორანტის სამეცნიერო ხელმძღვანელ(ებ)ი ან სხვა სასწავლო კურსის ლექტორ(ებ)ი
<b>არჩევითი სასწავლო კურსები - 5 კრედიტი (ECTS)</b>												
1	კონფლიქტოლოგია	5	30	30	-	6	59	125	წინაპირობის გარეშე	✓	✓	გუგული მალრამე რევაზ ჯორბენაძე ზურაბ აბაშიძე ლაშა ტულუში ალექსანდრე კუბიანიძე ხათუნა მაისაშვილი გიორგი კვინიკაძე ზვიად აბაშიძე ზურაბ დავითაშვილი ვახტანგ მაისაია
2	სოციალურ მეცნიერებათა კვლევის მეთოდების გადრმავებული კურსი	5	30	15	-	5	75	125	წინაპირობის გარეშე	✓	✓	თეონა მატარაძე რევაზ ჯორბენაძე



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

3	სხვა არჩევითი სასწავლო კურსი (საქართველოს ან საზღვარგარეთის აკრედიტებულ უმაღლეს სასწავლებლებში მოსმენილი შესაბამისი საფეხურის (დოქტორანტურის) სასწავლო კურსი) <sup>8</sup>	5	--	--	--	--	--	125	წინაპირობის გარეშე	✓	✓	--
<b>კვლევითი კომპონენტი</b>												
1	სამეცნიერო კვლევითი პროექტი 1											
2	სამეცნიერო კვლევითი პროექტი 2											
3	სამეცნიერო კვლევითი პროექტი 3											
4	სადისერტაციო ნაშრომის მომზადება და დაცვა											

პროგრამის ხელმძღვანელის ხელმოწერა \_\_\_\_\_

ფაკულტეტის ხარისხის უზრუნველყოფის სამსახურის უფროსის ხელმოწერა \_\_\_\_\_

ფაკულტეტის სასწავლო პროცესის მართვის სამსახურის უფროსის ხელმოწერა \_\_\_\_\_

ფაკულტეტის დეკანის ხელმოწერა \_\_\_\_\_

უნივერსიტეტის ხარისხის უზრუნველყოფის სამსახურის უფროსის ხელმოწერა \_\_\_\_\_

თარიღი \_\_\_\_\_

ფაკულტეტის ბეჭედი

<sup>8</sup> შეფასების დამადასტურებელი შესაბამისი დოკუმენტის წარმოდგენის შემთხვევაში.